



BOSNIA AND HERZEGOVINA
Ministry for Human Rights and Refugees

Broj: 01-02-3534/12
Dana, 03. 10. 2012.

Na osnovu člana 61. Zakona o upravi («Službeni glasnik BiH» broj 32/02 i 102/09) i u skladu sa članom 20 Zakona o slobodi pristupa informacijama u Bosni i Hercegovini («Službeni glasnik BiH» br: 28/00 i 45/06, 102/09 i 62/11), ministar za ljudska prava i izbjeglice Bosne i Hercegovine, d o n o s i

V O D I Č
za pristup informacijama u Ministarstvu za ljudska prava i izbjeglice Bosne i Hercegovine

I - OPŠTE ODREDBE

Član 1.
(Pravo pristupa)

(1) Svako fizičko i pravno lice ima pravo pristupa informacijama koje su pod kontrolom Ministarstva za ljudska prava i izbjeglice BiH (u daljem tekstu: Ministarstvo) u skladu sa odredbama Zakona o slobodi pristupa informacijama u Bosni i Hercegovini (u daljem tekstu: Zakon) i ovog Vodiča.

(2) Ovaj Vodič je će biti dostupan na web stranici Ministarstva www.mhrr.gov.ba

Član 2.
(Adresa)

Sjedište Ministarstva je u Sarajevu, Trg BiH br. 1, + 387 33 202 600

Član 3.
(Državna službenica nadležna za slobodu pristupa informacijama)

Lice u Ministarstvu nadležno za obradu podnesenih zahtjeva je Amela Hasić, dipl.pravnica, šef Odsjeka u Sektoru za ljudska prava, telefon broj 033 703-963.

II - POSTUPAK PRISTUPA INFORMACIJI

Član 4.
(Podnošenje zahtjeva)

(1) Pravo pristupa informaciji se ostvaruje podnošenjem zahtjeva Ministarstvu preko pošte, faksa, i-mail ili neposredno predajom u pisarnici Ministarstva.

(2) Zahtjev iz stava (1) ovog člana mora ispunjavati sljedeće uslove:

1. da je podnesen u pismenoj formi, na jednom od zvaničnih jezika u Bosni i Hercegovini
2. da sadrži ime i prezime, te adresu podnosioca zahtjeva
3. da sadrži dovoljno podataka o prirodi ili sadržaju informacije kako bi Ministarstvu omogućilo da poduzme aktivnosti u pronalaženju zahtijevane informacije.

(3) Obrazac zahtjeva iz stava (1) ovog člana, sa elementima koje je potrebno popuniti, kako bi zahtjev ispunjavao formalne uslove iz stava (2) ovog člana, sadržan je u prilogu ovog Vodiča i čini njegov sastavni dio.

Član 5. (Nemogućnost postupanja)

(1) U slučaju da zahtjev ne ispunjava potrebne formalne uslove, podnositelj zahtjeva će biti pismeno obaviješten, ukoliko je takvo obavještenje moguće, da njegov zahtjev ne može biti obrađen iz tih razloga.

(2) Obavještenje će biti sačinjeno u skladu sa Zakonom i dostavljeno najkasnije osmog dana od dana prijema zahtjeva.

(3) Preinačeni zahtjev istog podnosioca, u pogledu procedure, smatraće se novim zahtjevom.

Član 6. (Način pristupa informacijama)

Način pristupa informaciji može biti:

- neposredni (ličnim uvidom u informaciju)
- slanjem informacije na kućnu adresu podnosioca zahtjeva
- umnožavanjem informacije

Član 7. (Obrada zahtjeva)

(1) Nakon prijema zahtjeva za pristup informaciji Ministarstvo je dužno, uz pomoć lica nadležnog za informisanje, poduzeti sve potrebne mjere za prikupljanje zahtijevane informacije i razmotriti činjenice i okolnosti od značaja za obradu podnesenog zahtjeva.

(2) Ukoliko je pristup informaciji odobren, djelimično ili u cjelini, Ministarstvo je dužno u roku od 15 dana od dana prijema zahtjeva pismeno obavijestiti podnosioca zahtjeva o mogućnosti ličnog pristupa informaciji u prostorijama Ministarstva.

(3) Ukoliko je informacija do 10 stranica može se dostaviti podnosiocu zahtjeva, a ukoliko je informacija duža od 10 stranica, uz naknadu od 0,50 KM po jednoj stranici standardne veličine, odnosno po 10 KM po disketi za elektronsku dokumentaciju. Umnožavanje materijala (kada se ocijeni neophodnim) se vrši u prostorijama Ministarstva.

Član 8. (Produženje roka)

(1) U slučajevima utvrđenim Zakonom, rok iz člana 7. Vodiča može biti produžen za sedam dana, s tim da je Ministarstvo obavezno obavijestiti podnosioca zahtjeva o produženju roka i razlozima za produženje.

(2) Pristup informacijama obezbijediće se podnosiocu zahtjeva na jednom od zvaničnih jezika u Bosni i Hercegovini.

III – OGRANIČENJE PRAVA PRISTUPA INFORMACIJAMA

Član 9. (Razlozi za odbijanje zahtjeva)

(1)Ministarstvo može odbiti zahtjev za pristup informacijama (izuzete informacije) djelimično ili u cjelini, kada to zahtijeva:

- zaštita podataka u skladu sa važećim aktima u Ministarstvu,
- sprečavanje kriminala i svako otkrivanje kriminala,
- kada zahtjev za pristup informacijama uključuje lične interese koji se odnose na privatnost trećeg lica u skladu sa zakonom i Evropskom konvencijom za zaštitu ljudskih prava i osnovnih sloboda (član 8. konvencije)
- kada zahtjev za pristup informacijama narušava zaštitu privatnosti
- kada zahtjev za pristup informacijama uključuje povjerljive komercijalne interese treće strane.

(2)Ministarstvo će odmah dopisom obavijestiti treću stranu o pojedinostima zahtjeva i informisati je da će informaciju objaviti ukoliko treća strana, u roku od 15 dana po prijemu obavještenja, u tom smislu ne odgovori da takvu informaciju smatra povjerljivom i navede razloge za štetu koja bi proistekla zbog izjavljivanja informacije.

Član 10. (Obaveza saopštavanja informacije)

Ministarstvo će saopštiti traženu informaciju bez obzira na izuzetke utvrđene zakonom, ako je to opravdano javnim interesom, imajući pri tome u vidu svaku korist ili štetu koje mogu proisteći iz saopštavanja informacije.

Član 11. (Donošenje rješenja)

(1)U slučaju odbijanja pristupa informaciji, djelimično ili u cjelini, lice zaduženo za postupanje po zahtjevu o tome donosi rješenje najkasnije 15 dana od dana prijema zahtjeva, u skladu sa Zakonom.


(2)Rješenje iz stava (1) ovog člana sadrži uputstvo o mogućnosti podnošenja žalbe ministru u roku od 15 dana od dana prijema obavještenja, kao i uputstvo da se može o istoj stvari obratiti instituciji Ombudsmena Bosne i Hercegovine.

(3)Rješenje potpisuje lice koje je postupalo po zahtjevu za pristup informacijama.

IV- ZAVRŠNE ODREDBE

Član 12. (Stupanje na snagu i objavljivanje)

Ovaj Vodič stupa na snagu danom donošenja, a objaviće se na web stranici Ministarstva.



Obrazac zahtjeva za pristup informacijama

Ime i prezime podnosioca zahtjeva

Telefon/telefax/e-mail

Datum, _____

**MINISTARSTVO ZA LJUDSKA PRAVA I IZBJEGLICE BIH
TRG BiH 1
71 000 SARAJEVO**

PREDMET: ZAHTJEV ZA PRISTUP INFORMACIJAMA

Na osnovu Zakona o slobodi pristupa informacijama u Bosni i Hercegovini tražim da mi omogućite pristup sljedećim informacijama:

(Navesti tačno koju informaciju tražite i opisati je što je moguće preciznije)

Zaokružite način na koji želite da pristupite informacijama :

neposredan uvid

umnožavanje informacije

slanje informacije na kućnu adresu

POTPIS PODNOSIOCA ZAHTJEVA